



Tridum
Santa Maria Mazzarelli
2014

LORON DAHULUK

TEMA: JESUS NIA PREZENZA IHA KOMUNIDADE NIA MORIS

Hino: NA'I MAK DOMIN HBN no. 213

Ant. Hadomi Maromak ho o fuan tomak, no hadomi ema seluk hanesan o
hadomi o an rasik. *(Mt. 22:37-39)*

Guia: Hau nia Irma doben sira Hanoin ba katak, iha nebe karidade ukun,
iha ne'eba iha Lalehan; Jesus haksolok liu atu hela ho oan feto sira ne'ebe
haraik-an, obediente no iha karidade. Halo buat hotu atu Jesus bele hela
ho laran iha imi- nia leet. (surat MM 49.3)

Salmo 101 (*reza/ canta fahe ba rua*)

Hau sei lao tuir dalan los
Hau sei hananu tulun no justisa
Hau sei hahi Na'i
Ha'u sei lao tuir dalan los
Wainhira los mak Ita sei mai to'o iha ha'u?

Hau sei la'o ho laran mos
Iha hau uma laran
Hau sei la tau hau neon ba
Hanoin aat sira

Hau sei halo ema laran makerek takaibun
Ida be hafoer nia maun - alin sira naran
Hau la tahan ema laran aat sira nia fuan
Hau sei la fo liu ema loko an

Hau sei tau matan iha santo sira
Sira sei horik ho hau
Ema diak no los
Sei serbi hau.

Gloria...

Ant. Hadomi Maromak ho o fuan tomak, no hadomi ema seluk hanesan o
hadomi o an rasik.

Guia: “Se ha’u fo beibeik ezemplo diak ba ha’u nia Irman sira, buat hotu sei la’o diak nafatin, se hadomi Jesus ho ha’u nia fuan tomak, ha’u sei hatene mos halo ema seluk hadomi Nia” (surat MM 11,2)

(*ema ida mak sei le’e, comunidade sei hatan ho reffraun kada strofa!*)

Reff. Canta: Hau sei dehan, se o fiar Na’i Maromak o hare Nia Gloria (2x)

1. Jesus hadomi imi,...hatene didiak ba katak sira ne’ebe Jesus fo barak liu tan atu terus mak sira ne’ebe besik liu ba Nia (surat 39,4) Reff..
2. “ O nia fuan o keta fahe ho ema ida; nia sei sai tomak ba Jesus (surat 65,3) Reff...
3. “ Haka’as-an atu halo Jesus hadomi o” Reff...
4. “ Ita presiza hakmatek iha fuan, se ita hakarak rona Jesus nia Lian” Reff....
5. “ Se o hare katak obediensa sai difisil oituan, hateke ba lalehan hodi hanoin ba premio ne’ébe hein o iha neba” Reff...

Leitura (Fil 2,1 – 4)

Imi nia moris iha Kristu halo imi maka’as, no Nia domin fo ksolok ba imi. Imi laran ida deit ho Espiritu, no imi laran maus no laran sadia ba malu. Hau husu imi atu halo hau nia ksolok lolos hodi hanoin buat ida deit, hadomi malu no sai laran no neon ida deit. Keta halo buat ida hodi hanoin deit imi an nia diak, eh hodi hakarak hetan naran boot, maibe haraik an ba malu hodi hanoin katak ema seluk, sira diak liu fali imi. No keta buka imi rasik nia diak, maibe buka uluk ema seluk nian.

(Pauza...)

Surat MM no. 18 ba Irma Laura Rodrigues

“ Ba oras ne’e ita nudar Maria Auxiliadora nia oan feto ulukliu husi America. Ita tenke sai santa boot ida atu nune’e, America nia oan feto wa’in bele tuir ita nia exemplu. Maski ita dook malu tamba distansia boot ida, ita forma fuan ida deit atu hadomi ita nia doben Jesus no Maria SS.,

“Hau hanoin katak ha’u la presiza atu husu ba ita atu sai obediente, haraik - an, karidade na’in, no hadomi servisu; foin fulan ruma deit mak ita halo vestisaun, nune’e ita sei nakonu ho laran manas. Hau husu deit ba ita atu la bele hamate laran manas ne’ebe Nai halakan ona iha o nia fuan no hanoin, katak buat ida deit mak nesesario, so’i klamar... maibe ba ita religiosa la to’o atu so’i klamar. Ita tenke sai santa no hodi ita nia hahalok diak halo ema barak nia klamar ne’ebe hein ita nia tulun atu sai santa mos. Tan ne’e aten brani, liu tiha funu ba loron ruma ita sei manan Lalehan ba nafatin”. (MM)

Ant. Magnifikat: Ami hare ona, O Na’i, Ita nia domin nia kmanek wa’in. Alleluia

Intersesaun

G: Iha Kristu Jezus ita agradese ba Aman Maromak ne’ebe bolu santo no santa sira iha uma Kreda no haraik mai ita modelu los laran metin Evangelu nian, ita dehan:

Hotu- hotu: Aman Maromak rona ami nia hamulak.

1. Hanesan Madre Mazzarello ne’ebe kontempla Jezus iha Kreda nia misaun ita harohan ba Amo Papa Francisco no Bispo sira atu sira bali no hatudu dalan esperansa nian ba povu.
2. Hanesan Madre Mazzarello ne’ebe kontempla Jezus husi Janela. Na’i tulun ami ida-idak atu hatene hari komuñau intima ho Ita Boot no entre ami, atu bele hare malu ho matan ne’ebe mos no diak iha comunidade Kreda no Sosiedade.
3. Hanesan Madre Mazzarello ne’ebe kontempla Jezus hodi harohan ba foin sa’e sira ne’ebe kiak no abandonado nia nesesidade. Ita harohan ba foin sa’e sira ne’ebe ohin loron lakon sira nia fiar atu sira hetan fali ema sira ne’ebe bele lori fila sira ba Maromak.
4. Hanesan Madre Mazzarello ne’ebe kontempla Jezus hodi lori fali labarik sira ba Na’i, ita harohan ba oan kiak sira iha mundu tomak no sira ne’ebe moras, atu sira laran metin ba Maromak nia grasa no providensia.

Guia: Laran metin ba Na'i nia espiritu mai ita harohan:

Hotu-hotu: Ami Aman...

Orasaun taka : Na'i Maromak, Ita Boot mak hakonu Madre Mazzarello nia fuan ho domin ba Ita Boot. Tulun ami atu halo tuir nia exemplu hodi sai ema kontemplativa, hatene hari relasaun nebe klean no transparente, sinal Lalehan nian. Atu nune'e bele hare ba realidade hotu moris nian ho matan fiar. Ami harohan ne'e hodi Na'i Jezus Kristu nia naran...

Canto atu remata : Ave Santa Maria Mazzarello (HBN no. 432)

LORON DARUAK

TEMA: JESUS NIA PREZENZA IHA MISSAUN

Hino: NA'I MAK DOMIN HBN no. HAU MAK NE'E NA'I HBN. no. 76

Ant. Nudar Ita haruka Ha'u mai iha mundu, nune'e mos Ha'u haruka sira ba mundo.
(Jo.17,18)

Guia: Ha'u nia oan feto doben, buka manan klamar barak ba Jesus ho hahalok no ho matan moris no serbisu, maibe liu-liu ho ezeptu diak. Kuda iha menina sira devosaun ba Nain feto. Hafoin haksolok nafatin, wainhira o iha preokupasaun, tau hotu iha Jesus nia Futar Fuan.
(surat 47,10)

Salmo 14 (*reza/canta fahe ba rua*)

Rahun diak ba ema ne'ebe hamtauk Na'i,
no hetan ksolok iha Na'i nia ukun fuan
Nia oan no nia bei-oan sira sei kbiit makaas iha rai,
ema diak sira nia jersaun sei hetan diak

Iha nia uma sei hetan soim wa'in
nia rahun diak sei hela ba nafatin
Iha nakukun laran ahi ida sei naroman
ba ema sira ne'ebe laran diak, laran mos,

Ema laran mos tuba rai metin
Ema temi nafatin nia naran

Nia la tauk lia susar
Nia laran metin iha Maromak
Nia fiar metin no tau neon iha Na'i
Nia sei sai sasin nia funu baluk sira nia susar

Fahe nia riku soin ba ema kiak sira
Nia laran luak la'o ba oin nafatin
Foti nia oin ho ksolok wa'in.

Gloria....

Ant. Nudar Ita haruka Ha'u mai iha mundu, nune'e mos Ha'u haruka sira
ba mundo. (*Jo..17,18*)

Guia: "Tamba Na'i hare fuan, buka atu praktika virtude sira ho fuan liu
fali ho hahalok liur nian deit.
Hafoin, se o hare katak obediensa sai difisil oituan, hateke ba
lalehan hodi hanoin ba premio ne'ebe hein o iha neba." (MM)

Guia: "Imi serbisu ba Nia mesak deit?" (23,1)

Kom: Hare katak imi la halo buat diak iha ema sira oin atu sira
hare imi. Imi halo nune'e karik, imi sei la simu imi nia
kolen husi imi nia Aman Lalehan. (Mt. 6:1)

Guia: "Imi haksolok?" (22,8)

Kom: Ha'u mai atu sira bele hetan ksolok iha sira nia fuan to'o sai lolos.
(Jo. 17: 13)

Guia: "Imi hadomi Na'i?...maibe hadomi ho imi nia fuan tomak?...
serbisu ba Nia mesak deit?..(23,1)

Kom: O sei hadomi Na'i, o nia Maromak ho o nia fuan tomak, ho o nia
klamar tomak, ho o nia hanoin tomak no ho o nia kbiit tomak; o
sei hadomi o nia maluk nu'udar o nia an rasik. (Mk 12:29)

Guia: "Menina sira nia numero aumenta? Sira diak ka lae?

Pauza...

Canta: HBN. S- 45 (Laran metin ba Na'i)

Leitura (1 Tes 2,6 – 8. 11- 12)

Ami la haka'as an atu buka naran boot husi ema, husi imi ka ema seluk maski nu'udar Kristu nia Apostolo ami bele husu buat ruma husi imi. Maibe ami laran maus wainhira ami iha imi leet, hanesan inan ida ne'ebetau matan ba nia oan sira.

Tamba ami hadomi imi, ami hakarak hato'o ba imi la'os deit lia fuan Foun Diak, maibe ami nia moris rasik. Imi folin boot tebes mai ami! Imi hatene katak ami hare imi hanesan aman ida hare nia oan sira. Ami f o aten brani ba imi; fo ksolok ba imi iha susar laran; ami hakaas an fila-fila atu moris nudar Maromak hakarak; Maromak ne'ebe bolu imi atu moris hamutuk ho Nia iha Nia Reino.

Gloria.

Salmo responsorio

R. Belun los o maun alin sira nian; harohan ba o nia povo.

Aleluia, Aleluia

◇ Belun los o maun alin sira nian; harohan ba o nia povo.

Aleluia, aleluia.

V. O saran o nia moris ba o nia maun alin sira,

◇ Aleluia, Aleluia.

V. Gloria ba Padre ba Filho no ba Espiritu Santo.

◇ Belun los o maun alin sira nian; harohan ba o nia povo. Aleluia, Aleluia.

Ant. Magnificat : Ami hare ona o Na'i, ita nia domin nia kmanek wain, Alleluia.

Intersesaun : Iha Kristu Jesus ita agradese ba Aman Maromak ne'ebe bolu santo no santa sira iha uma Kreda, nia haraik mai ita modelu los laran metin Evanjeliku nian, ita dehan:

1. Ita harohan ba ukun na'in sira iha Mundo tomak liu-liu ba ita nia ukun na'in sira atu sira bele hala'o sira nia knar ho ksolok no responsabilidade hodi buka deit povo nia diak.
2. Ita harohan ba membros Familia Salesiana no Komunidade Edukativa sira atu bele hala'o sira nia knar ho Domin no sakrifisiu tuir Karisma Salesiana .
3. Ita harohan hodi husu grasa vokasaun iha kreda, atu sira loke an ba Na'i nia Espiritu hodi bele deskobre Maromak nia hakarak ba sira .
4. Ita reza ba ita nia familia sira atu Maromak fo ba sira ida-idak grasa fidelidade ba sira nia fiar sarani hodi halao sira nia knar hotu ho Domin no ksolok nafatin.

Ami Aman: ...

Orasaun taka : Na'i Maromak, Ita Boot mak hakonu Madre Mazzarello nia fuan ho domin ba Ita Boot hodi fo nia an ba foin sa'e feto sira; tulun ami atu halo tuir nia exemplu hodi sai ema kontemplativa iha asaun, ami bele hare ba realidade hotu foin sa'e sira ohin loron nian ho matan fiar. Ami harohan ne'e hodi Na'i Jezus Kristu nia naran...



LORON DATOLUK

TEMA: JESUS NIA PRESENSA IHA KOMUNIDADE NIA ORASAUN

Hino: Hau sei haklaken HBN. no. 79

Ant. “Sira ne’e hotu ho neon ida deit badinas atu harohan, hamutuk ho feto balun no Maria, Jesus nia inan, no nia maun alin sira.” (*Apostolo sira nia hahalok 1,14*)

Guia: “ Ha’u husik imi iha Jesus nia Futar Fuan no ha’u reza no ha’u husu atu Nia haraik bensa ba imi no halo imi Ninian tomak no halo imi sai ida nafatin no haksolok. Reza barak mai hau ne’ebe nunka haluha imi iha hau nia orasaun.

Salmo 149

(*reza/ kanta fahe ba rua*)

Hananu ba Na’i knananuk foun ida,
Santo sira hahi Nia ba
Haksolok ba Israel iha Na’i be hakiak o
Sião oan sira, haksolok iha imi nia Liurai

Haksolok hanai Nia naran
Hananu knananuk ida ba Ita nia Maromak
Na’i hadomi Nia povu
Nia sei hafutar ema haraik an ho Gloria

Ema laran mos nia fuan haksolok
Maromak nia santo sira haksolok
Siraibun hahi nafatin
Ne’e mak nia emar sira nia Gloria. Gloria...

Ant. “Sira ne’e hotu ho neon ida deit badinas atu harohan, hamutuk ho feto balun no Maria, Jesus nia inan, no nia maun alin sira.” (*Apostolo sira nia hahalok 1,14*)

Pauza...

Guia :Ko’alia oituan ho kriatura sira, ko’alia oituan liu kona ba kriatura sira no la’ek kona ba an rasik. Ita presiza hakmatek iha fuan se ita hakarak rona Jesus nia lia. Nune’e sai hakmatek no haraik an ba nune’e ita sei sai santa boot ida. (MM)

Guia : Mai ita reza hodi fahe ba grupo rua Inno ba Maromak nia Domin
(Ef. 1,3-10)

G1: Rahun diak ba Maromak Na'i Jesus Kristu nia Aman housi lalehan
tutun, hodi Kristu, Maromak haraik bensa oi-oin mai ita.

G2: Nune'e mak molok atu hakiak mundu, Maromak fihir kedas ita, atu
ita bele moris nudar ema santu no ema sala la'ek iha Nia futar oin.

G1: Houri uluk kedas Maromak fihir ita, atu moris nu'udar Ninia oan
hakiak tan ba Kristu.

G2: Nune'e tuir Nia laran diak, Nai Maromak halo Nia Grasa mosu mai
ita kmanek liu tan, atu halo ita sai kmanek liu, hamutuk ho Nia Oan do-
ben Jesus Kristu.

G1: Hodi Nia Futar Ran rasik, Maromak Oan doben soi duni ita no kasu
ita salan tamba Nia haraik grasa barak teb-tebes mai ita, ita bele duni he-
tan matenek no neon nakloke.

G1: Maromak fo hatene Nia hakarak mai ita nu'udar hori uluk kedas Nia
fo ba Nia Oan doben atu to'o tiha tempo nia rohan Nia Oan doben halo
tuir katak:

G2: Atu libur sasan hot-hotu iha lalehan ka iha rai klaran, hamutuk ho
Kristu nudar Ukun na'in

Kanta hamutuk: Gloria ba Nai...

Leitura (Lc. 11:1 – 10)

Pauza...

Ant. Magnificat: Feto matenek, Nai nia Espiritu halo o sai mestra moris nian , Al-leluia

Intercessão : iha Kristo Jesus ita agradeçe ba Aman Maromak nebe bolu santo no
santa sira iha kreda no haraik mai ita modelu los laran metin Evangeliku
nian ita dehan :

**Hotu-hotu : husi Santa Maria Mazzarello nia intercessaun,Aman Maromak rona
ami nia hamulak.**

1. Ita harohan ba paz iha mundo; liu-liu ba sira nebe hamro'ok ba justisa no lia los iha nasaun sira nebe ema hanehan
2. Ita harohan ba klamar sira nebe hamro'ok ba Maromak nia laran sadia liu-liu ba ita nia parente no familia matebian sira nia klamar
3. Ita resa ba foin-sae sira nebe lakon fiar no la hetan ona kbi'it atu moris didiak iha sira nia moris nudar soçiadade no familia laran .

Guia : oras ne'e ita sei ba reza hamutuk orasaun nebe Ita Nain Jesus kristo hanorin hela mai ita

Ami Aman ...

Oração final : Nai Maromak ,Ita boot mak fob a Igreja, Santa Maria Domingas Mazzarello,ami husu ,haburas ami nia hakarak atu halao moris nebe buka deit buat nebe los,buat nebe santo,buat nebe Boot ninian. Ami harohan ne'e hodi Na'i Jesus Kristo nia Naran...

Hotu : Amen

Cantu atu remata: Mornese Rai loron nian HBN. S. 433





Boas Festas
Santa Maria Mazzarello

EKIPA FAMILIA SALESIANA